

Krisis politik P. Pinang: PM akan temui Dr. Koh

UM 13 DEC 1999

PELABUHAN BARAT
12 Dis.— Datuk Seri
Dr. Mahathir Mohamad akan mengadakan pertemuan dengan Ketua Menteri Pulau Pinang, Tan Sri Dr. Koh Tsu Koon minggu depan bagi menyelesaikan kemelut yang berlaku di negeri itu sekarang.

Pada sidang akhbar setelah mengadakan lawatan ke kapal kontena terbesar, Clifford Maersk, yang berlabuh di sini hari ini, Perdana Menteri berkata, pihaknya yakin krisis politik di negeri itu akan dapat diselesaikan tidak lama lagi setelah perbincangan dibuat di antara mereka yang terbabit.

“Tidak lama lagi selesailah.. sabarlah, Ketua Menteri belum jumpa saya lagi.. minggu depan dia (Koh) jumpa saya,” katanya.

Beliau berkata demikian sebagai mengulas kemelut kerajaan negeri Pulau Pinang yang berlaku ekoran MCA negeri yang menuntut lebih banyak jawatan termasuk Timbalan Ketua Menteri Pulau Pinang daripada Gerakan.

Tuntutan itu dibuat berdasarkan prestasi baik

parti itu dalam pilihan raya umum lalu.

Dalam pada itu, Menteri Pengangkutan yang juga Presiden MCA, Datuk Seri Ling Liong Sik,

yang turut hadir dalam lawatan itu ketika ditemui enggan mengulas lanjut mengenai perkara yang sama.

Sementara itu, Perdana

Menteri yang diminta mengulas hasrat Menteri Besar Pahang, Datuk Seri Adnan Yaakob untuk menggugurkan ahli-ahli Exco yang tidak menun-

jukkan prestasi baik, berkata beliau bersetuju dengan hasrat tersebut.

“Memang kita hendak orang yang boleh buat kerja,” ujar Dr. Mahathir ringkas.